

宋洪魏公進萬首唐人絕句卷之二十五

明吳郡趙宦允凡夫茱定

靈巖黃習遠伯傳竄補

七言十五

中唐十二

送蜀客

張籍

蜀客南行祭碧雞木棉花發錦江西山橋日晚
行人少時見猩猩樹上啼

蠻中

銅柱南邊毒艸春行人幾日到金鑿玉環穿耳

誰家女自抱琵琶迎海神

類苑闕三

萬首絕句卷之二十五

張一

贈道士

茆山近別剡溪逢，玉節青旄十二重。
自說年年上天去，羅浮取近海邊峰。

平望驛

茫茫菰艸平如地，渺渺長隄曲似城。
日暮未知投宿處，逢人更問向前程。

宿天竺寺可靈隱僧

夜向靈溪息此身，風泉竹露淨衣塵。
月明石上堪同宿，那作山南山北人。

類苑闕

送元紹

昔日同遊漳水邊，如今重說恨綿綿。
天涯相見還離別，客路秋風又幾年。

美人宮碁

紅燭臺前出翠娥，海沙鋪局巧相和。
趁行移手巡收盡，數數看誰得最多。

蠻州

瘴水蠻中入洞流，人家多住竹棚頭。
一山海上無城郭，惟見松牌出象州。

送元宗簡

貂帽垂肩窄，皁裘深騎馬向西州。
暫時相見

還相送卻閉閑門依舊愁

寄徐晦

鄂陂魚美酒偏濃不出琴齋見雪峰應勝昨來
趨府日簿書牀上亂重重

寄白學士

自掌天書見客稀縱因休沐鎖雙扉幾回扶病
欲相訪知向禁中歸未歸

喜王六同宿

十八年來恨別離惟同一宿訊新詩更相借問
詩中語共說如今勝舊時

題玉像堂

玉毫不著世間塵暉相分明十八身入夜無煙
鐙更好堂中惟有轉經人

與賈島閑遊

水北原南艸色新雪銷風暖不生塵城中車馬
應無數能解閑行有幾人

哭丘長史

丘公已沒故人稀欲過街面更訪誰每到子城
東路上憶君相逐入朝時

類苑闕

哭孟宗

曲江院裏題名處十九人中最少年今日春
君不見杏花零落寺門前

患眼

三年患眼今年免較與風允便隔生昨日韓家
後園裏看花猶自未分明

答劉兢

劉君久被時拋擲老向城中作選人昨日街西
相近住每來存問老夫身

贈華嚴寺僧

一身依止荒閑院燭曜窻中有宿煙徧禮華嚴

經裏字不曾行到寺門前

逢故人

山東二十餘年別今日相逢在上都說盡向來
無限事相看摩捋白髭鬚

送蕭遠弟

街裏槐花傍馬垂病身相送出門遲與君別後
秋風夜作得新詩說向誰

送辛少府

才多不肯限容身老大詩章轉更新選得天台
山下住一家全作學僊人

贈任道士

長安多病無生計，藥鋪盤人亂索錢。欲得定知
身上事，憑君為算小行年。

招周居士

閉門秋雨溼牆莎，俗客來稀野思多。已掃書堂
安藥竈，山人作意早經過。

送許處士

高情自與俗人疎，獨向藍谿選僻居。會到白雲
長取醉，不能窻下讀閑書。

題揚祕書新居

愛閑不向爭名地，宅在街西最靜坊。卷裏詩過
一千首，白頭新受祕書郎。

送暉師

九星壇下煎茶別，五老峰頭覓寺居。作得新詩
旋相寄，人來請莫達空書。

送僧往金州

聞道谿陰山水好，師行一一徧經過。事須覓取
堪居處，若箇谿頭藥最多。

尋徐道士

尋師遠到暉天觀，竹院森森閉藥房。聞入靜來

經七日僊童簷下獨焚香

答韋開州寄車前子

開州午日車前子作藥人皆道有神慚愧使君
憐病眼三千餘里寄閑人

憶故州

累石爲山作野夫自收雲藥讀僊書如今身是
他州客每見青山憶舊居

送客遊蜀

行盡青山到益州錦城樓下二江流杜家曾向
此中住爲到浣花谿水頭

送陸暢

共踏長安街裏塵吳州獨作未歸身貴門舊宅
今誰住君過西塘與問人

感春

遠客悠悠任病身誰家池上又逢春明年各自
東西去此地看花是別人

贈李司議

漢庭誰問投荒客十歲天南著白衣秋艸茁茁
惡溪路嶺頭遙送北人歸

別客

萬首絕句

卷之十五

六

張

青山歷歷水悠悠今日相逢明月秋繫馬城邊
楊柳樹爲君沽酒暫淹留

登樓寄胡家兄弟

獨上西樓盡日閑林煙演漾鳥緝蠻謝家兄弟
重城裏不得同看雨後山

答劉明府

身病多時又客居滿城親舊盡相疎可憐絳縣
劉明府猶解顛顛寄遠書

酬藤杖

病裏出門行步遲喜君相贈古藤杖倚來自覺

身生力每向傷人說得時

法雄寺東樓

汾河舊宅今爲寺猶有當時歌舞樓四十年來
車馬客古槐淡巷暮蟬愁

類苑闕

寄故人

靜曲閑房病客居蟬聲滿樹槿花疎故人祇在
藍田縣強半年來未得書

鄰婦哭征夫

雙鬟初合便分離萬里征夫不得隨今日軍回
身獨沒去時鞍馬別人騎

和崔駙馬聞蟬

鳳凰樓下多歡樂不覺秋風暮雨天應為昨來
身暫病蟬聲得到耳傍邊

看櫻桃花

昨日南園新雨後櫻桃花發舊枝柯天明不待
人同看繞樹重重履跡多

和郭明府縣中會飲

一樽清酒兩人同好在街西水縣中自恨病身
相去遠此時閑坐對秋風

唐興觀看花

新紅舊紫不相宜看覺從前兩月遲更向同來
詩客道明年到此莫過時

九華觀看花

街西無數閑遊處不似九華僊觀中花裏可憐
池上景幾回牆壁貯春風

贈姚合

丹鳳城門向曉開千官相次入朝來惟君獨走
衝塵土下馬橋邊報直回

尋時道士

觀裏初晴竹樹涼閑行共到最高房昨來官罷

萬首絕句卷之五
無生計欲就師求斷穀方

同韓侍郎南溪夜賞

喜作閑人得出城南溪兩月逐君行忽聞新命
須歸去一夜船中語到明

使行望悟真

采玉峰連佛寺幽高高斜對驛門樓無端來去
騎官馬寸步教身不得遊

重陽日至峽道

無限青山行已盡回看忽覺遠離家逢高欲飲
重陽酒山菊今朝未見花

類苑闕

贈坐客劉郎中

憶昔君登南省日老夫猶是褐衣身誰知二十
餘年後來作學曹相替人

同嚴給事唐興觀玉藥花聞近有僊過作

二首

千枝花裏玉塵飛阿母宮中見亦稀應共諸僊
鬪百艸獨來偷折一枝歸
九色雲中紫鳳車尋僊來到洞僊家飛輪回處
無蹤跡惟有斑斑滿地花

秋思

萬首絕句

卷之五

九

法

萬首新句
卷之七
九
洛陽城裏見秋風。欲作家書意萬重。復恐匆匆說不盡。行人臨發又開封。

憶遠

行人猶未有歸期。萬里初程日暮時。惟愛門前雙柳樹。枝枝葉葉不相離。

玉山館

長溪新雨色如泥。野水陰雲盡向西。楚客天南行漸遠。山山樹裏鷓鴣啼。

寄府吏

野水尋花共作期。今朝出郭不相隨。待君公事

有閑日。此地春風應過時。

涼州詞三首

邊城暮雨雁飛低。蘆筍初生漸欲齊。無數鈴聲遙過磧。應馱白練到安西。

古鎮城門白磧開。胡兵往往傍沙堆。巡邊使客行應早。每待平安火到來。

鳳林關裏水東流。白艸黃榆六十秋。邊將皆承主恩澤。無人解道取涼州。

宮詞二首

新鷹初放兔猶肥。白日君王在內稀。薄暮千門

臨欲鎖紅妝飛騎向前歸
黃金捍撥紫檀槽弦索初張調更高盡理昨來
新上曲內官簾外送櫻桃

華清宮

溫泉流入漢離宮宮樹行行浴殿空武帝時人
今欲盡青山空閉御牆中

崔駙馬養鶴

身閑無事稱高情已有人間章句名求得鶴來
教翦翅望僊臺下亦將行

閑遊三首

老身不計人間事野寺秋晴每獨過病眼校來
猶斷酒卻嫌行處菊花多類苑

終日不離塵土間若為能見此身閑今朝暫共
遊僧語更恨趨時別舊山類苑

劉兵曹贈酒

一瓶顏色似甘泉開向新栽小竹前飲罷身中
更無事移牀獨就夕陽眠

送王梧州

楚江亭上秋風起看發蒼梧太守船千里同行
從此別相逢又隔幾多年

春日早朝

曉陌春寒朝騎來，瑞雲淡處見樓臺。
夜來新雨沙墀溼，東上閣門應未開。

寄二山人

爲箇朝章束此身，眼看東路去無因。
歷陽舊客今應少，轉憶鄰家二老人。

寄李渤

五度谿頭躑躅紅，嵩陽寺裏講時鐘。
春山處處行應好，一月看花到幾峰。

尋僊

谿頭一徑入青崖，處處僊居隔杏花。
更見峰西幽客說，雲中猶有兩三家。

寄王奉卿

愛君紫閣峰前好，新作書堂藥竈成。
見欲移居相近住，有田多與種黃精。
類苑闕

題渭北寺上方

昔祭郊壇今謁陵，寺中高處最來登。
十餘年後人多別，喜見當時轉讀僧。

杏園贈劉郎中

一去瀟湘頭欲白，今朝始見杏花春。
從來遷客

應無數重到花前有幾人

答鄱陽客藥名詩

江臯歲暮相逢地黃葉霜前半夏枝子夜吟詩
向松桂心中萬事喜君知類苑

寄宋景

詔發官兵取亂臣將軍弓箭不離身君今獨在
征東府莫遣功名屬別人

倡女詞

輕鬢叢梳闊掃眉為嫌風日下樓稀畫羅金縷
難相稱故著尋常淡薄衣

答元八遺紗帽

黑紗方帽君邇得稱到山前坐竹林惟恐被人
偷梳剪不曾閑戴出書堂

題僧院

聞師行講青龍疏本寺住來多少年靜掃空房
惟獨坐千莖秋竹在簷前

送元八

百神齋祭相隨徧尋竹看山亦共行明日城西
送君去舊遊重到獨題名類苑

吳楚歌詞

庭前春鳥啄林聲紅夾羅襦縫未成今朝社日
停針線起向朱櫻樹下行

月臺觀

一身清淨無童子獨坐空堂得幾年每夜焚香
通月觀可能無碍最團圓

華山廟

金天廟下西京道巫女紛紛走似煙手把紙錢
迎過客遣求恩福到神前

病中

東風漸暖滿城春獨自幽居養病身莫說櫻桃

花已發今年不作看花人

寺宿齋

晚到金光門外寺寺中新竹隔簾多齋官禁與
僧相見院院開門不得過類苑

贈施肩吾

世間漸覺無多事雖得空名未著身合取藥成
相待喫不須先作上天人

贈王建

于君去後交遊少東野_上來篋笥貧賴有白頭
王建在眼前猶見詠詩人

逢賈島

僧房逢著款冬花。出寺行吟日已斜。十二街中春雪滿。馬蹄今去入誰家。

離宮怨

高堂別館連湘渚。長向春江開萬戶。荆土去去不復來。宮中美人自歌舞。類苑闕

春別曲

長江春水綠堪染。蓮葉出水大如錢。江頭橋樹君自種。那不长繫木蘭船。

成都曲

錦江近西煙水綠。新雨山頭荔枝熟。萬里橋邊多酒家。遊人愛向誰家宿。類苑闕

無題

桃蹊柳陌好經過。燈下妝成月下歌。為是襄王故宮地。至今猶有細腰多。補

玉真觀

臺殿曾為貴王家。春風吹盡竹窻紗。院中僊女修香火。不許閑人入看花。補

楊柳送客

青風江畔白蘋洲。楚客傷離不待秋。君見隋朝

水悠悠補

楚妃怨

梧桐葉下黃金井，橫架輓轡牽素綆。美人初起天未明，手拂銀瓶秋水冷。類苑

寒塘曲

寒塘沈沈柳葉疏，水暗人語驚棲鳥。舟中少年醉不起，持燭照水射游魚。類苑

春隄曲

野塘鷓鴣飛樹頭，綠蒲紫菱蓋碧流。狂客誰家愛雲水，日日獨來城下游。

山禽

山禽毛如白練帶，棲我庭前栗樹枝。獼猴半夜來取栗，一雙中林向月飛。類苑

秋山

秋山無雲復可風，溪頭看月出溪松。艸堂不閉石牀靜，葉間墜露聲重重。類苑

酬朱慶餘

越女新妝出鏡心，自知明豔更沈吟。齊紈未是人間貴，一曲菱歌敵萬金。

宿山祠

萬首絕句

卷之三十五

五

二

秋艸宮人斜裏墓宮中誰送葬來時千千萬萬
皆如此家在城邊亦不知類苑關

送律師歸婺州

京中開講已多時曾作壇頭證戒師歸到雙溪
橋北寺鄉僧爭就學威儀類苑關

張蕭遠雪夜同宿

數卷新遊蜀客詩長安僻巷得相隨艸堂雪夜
攜琴宿況似青城館裏時類苑關

登科後

孟郊

昔日齷齪不足誇今朝放蕩思無涯春風得意

馬蹄疾一日看遍長安花

類苑關

濟源寒食七首

風巢嫋嫋春鴉鴉無子老人仰面嗟柳弓葦箭
覷不見高紅遠綠勞相遮

女嬋童子黃短短耳中聞人惜春晚遊蜂匿蝶
踏花來拋却黃麩一瓷碗

一日踏春一百回朝朝沒脚走芳埃饑童餓馬
掃花餵向晚飲溪三兩杯

長安落花飛上天南風引至三殿前可憐春物
亦朝謁惟我孤吟渭水邊

萬首絕句

卷之二十五

七

三五九

枋口花開掣手歸。嵩陽爲我留紅暉。可憐躑躅
千萬尺。拄地拄天疑欲飛。
莓苔井上空相憶。鞭轡索斷無消息。酒人皆倚
春髮綠。病叟獨藏秋髮白。
蜜逢蠶爲王。各磨牙。咬盡村中萬木花。君家甕甕
今應滿。五色闌籠甚可誇。

洛橋晚望

天津橋下冰初結。洛陽陌上行人絕。榆柳蕭疏
樓閣閑。月明直見嵩山雪。

傷舊遊

去春會處今春歸。花數不減人數稀。朝咲片時
暮成泣。東風一見還西飛。類苑闕

聞夜啼

寄泣須寄黃河泉。此中怨聲流澈天。愁人獨有
夜燈見。一紙鄉書淚滴穿。類苑闕

哭李丹

生死方知交態存。忍將齟齬報幽魂。十年同在
平原客。更遣何人哭寢門。類苑闕

寄王立伯

姚合

夜歸曉出滿衣塵。轉覺才名帶累身。恰莫舊來

終日醉世間杯酒屬閑人

聽僧雲端講經

無生淡旨誠難解惟有師言得正真
遠近持齋來諦聽酒坊魚市盡無人

酬令狐郎中

昨是兒童今是翁人間日月疾如風
常聞欲向滄江去除我無人與子同

和劉郎中題華州廳

蓮花峯下郡齋前遶砌穿池貯瀑泉
若到亦應閑不得主人勝地得詩僊

登天長寺上方

曉上上方高處立路人羨我此時身
白雲向我頭上過我更羨他雲路人

送張主簿赴山

幾年山下事僊翁名在長生後籍中
燒得藥成須寄我曾為主簿與君同

寄靈一律師

梵書鈔筆千餘紙淨院焚香獨受持
童子病來煙火絕清泉漱口過齋時

酬白賓客歸後寄

千騎紅旗不可攀。水頭獨立暮方還。家人怪我
渾如病。尊酒休傾筆硯閑。

送僧二首

人間擾擾惟閑事。自見高人只有詩。舊在嵩峯
雲外寺。常聞定裏過齋時。
城中聽得新經論。却過關東說向人。舊國門徒
終日望。見時應似見真身。

杏園

江頭數頃杏花開。車馬爭先盡此來。欲待無人
連夜看。黃昏樹樹滿塵埃。

采松花

擬服松花無處學。嵩陽道士忽相教。朝來試上
高枝采。不覺翻傾僊鶴巢。

過友人山莊

蕙帶纏腰復野蔬。一莊水竹數房書。舉頭忽見
南山雪。便說休官相近居。

和前吏部韓侍郎夜泛南溪

辭得官來疾漸平。世間誰有此高情。新秋月滿
南溪裏。引客乘船處處行。

杏園宴上座主

得陪桃李植芳叢別感生成太界功今日無言
春雨後似合冷涕謝東風

邊詞二首

將軍作鎮古汾州水膩山春節氣柔清夜滿城
綳管散行人不信是邊頭
箭利弓調四鎮兵蕃人不敢近東行沿邊千里
渾無事惟見平安火入城

遇韜光上人

上方清淨無因住惟見他生得住持只恐無生
復無我不知何處更逢師

寄裴起居

千官曉立香爐裏立近丹墀是起居采筆長書
皇帝語書成幾卷太平書

和李舍人直日遇放朝對雪

今朝街鼓何人聽朝客關門對雪眠豈比直廬
丹禁裏九重天近色彌鮮

對月

銀輪玉兔向東流螢淨三更正好遊一片黑雲
何處起皂羅籠却水精毬

乞新茶

嫩綠微黃碧洞新
采時聞道斷葷辛
不將錢買將詩乞
借問山翁有幾人

曉望華清宮

曉看樓殿更鮮明
遙隔朱欄見鹿行
武帝自知身不死
教修玉殿號長生

崔少卿鶴

入門石徑半高低
閑處無非是藥畦
致得僊禽無去意
花間舞罷洞中棲

楊柳枝詞五首

黃金絲挂粉牆頭
動似顛狂靜似愁
遊客見時

心自醉無因得見謝家樓

葉葉如眉翠色濃
黃鶯偏戀語從容
橋邊陌上無人識
雨溼煙和思萬重

江上東西離別饒
舊條折盡折新條
亦知春色人將去
猶勝狂風取次飄

二月楊花觸處飛
悠悠漠漠自東西
謝家詠雪徒相比
吹落庭前便作泥

江亭楊柳折還垂
日照淡紅幾樹絲
見說隋隄枯已盡
年年行客怪春遲

送賈島

忍寒停酒待君來，酒作寒冰火作灰。
半夜出門重立望，月明先自下高臺。

送賈島歸鍾渾

日日攻詩亦自強，年年供應在名場。
春風驛路歸何處，紫閣山邊是艸堂。

盆池

浮萍重疊水團圓，客遶千遭屐齒痕。
莫驚池裏尋常滿，一井清泉是上源。

贈別胡逸

記得春闈同席試，逡巡何啻十年餘。
今日相逢

又相送，余乘五馬子單車。

光上人乞百齡藤杖

衰病近來多少力，光公乞我百齡藤。
閑來此日向何處，過水緣山只訪僧。

聞友人看花

朱慶餘

尋花不問春深淺，縱是殘紅也入詩。
每箇樹邊行一而，誰家園裏最多時。

陪韓中丞宴

不飲酒

老大無成仍足病，縱聽絲竹亦無歡。
高情太守容閑坐，借與青山盡日看。

類苑

嶺南路

越嶺向南風景異人人傳說到京城經冬來往
不踏雪盡在刺桐花下行類苑闕

程花

憶昔兩京官道上可憐桃李晝陰垂不知誰作
尋花使空記玄宗遺種時類苑闕

題僊游寺

石抱龍堂蘚石乾山遮白日寺門寒長松瀑布
饒奇狀曾有僊人駐鶴看類苑闕

廬江途中遇雪寄李侍御

蘆葦聲多鴈滿陂温雲連野見山稀遙知將吏
相逢處半是春城賀雪歸

公子行

閑從結客冶游時忘却紅樓薄暮期醉上黃金
隄上去馬鞭梢斷綠楊絲

登望雲亭招友

日日恐無雲可望不辭逐靜望來頻共知亭下
眠雲遠解到上頭能幾人

寄劉少府

惟愛圖書兼古器在官猶似未更聞縣去

青山遠稱與詩人作主人

閨意上張水部

洞房昨夜停紅燭待曉堂前拜舅姑妝罷低聲
問夫婿畫眉淡淺入時無類苑

採蓮

隔煙花艸遠濛濛恨箇來時路不同正是停橈
相遇處鴛鴦飛出急流中類苑

都門晚望

綠槐花墮御溝邊步出都門雨後天日暮野人
耕種罷烽樓原上一條煙類苑

尋山僧

吟背春城出艸遲天晴紫閣赴僧期山邊樹下
行人少一派清泉日午時類苑

西亭晚宴

蟲聲已盡菊花乾共立松陰向晚寒對酒看山
俱惜去不知殘日下闌干類苑

與一二禪師題珍寺主院

杖屨相隨在處便不惟空寄上方眠歸時亦取
湖邊去晚映楓林共上船類苑

辨井

碧甃磷磷不記年，青蘿鎖在小山顛。向來下視
千山水，疑是蒼梧萬里天。類苑 闕

宮中詞

寂寂花時閉院門，美人相竝立瓊軒。含情欲說
宮中事，鸚鵡前頭不敢言。類苑 闕

古觀

古觀曾過知不遠，花藏石室杳難尋。泉邊白鹿
聞人語，看過天壇漸入深。類苑 闕

夏口送白舍人赴杭州

豈知鸚鵡洲邊路，得見鳳皇池上人。從此不同

諸客禮，故鄉西與郡城鄰。類苑 闕

商州王中丞留喫枳殼

方物就中名最遠，只應愈疾味偏嘉。若教盡喫
人人與，采盡商山枳殼花。

寄招胡明府

語低清貌似休糧，稱着朱衣入艸堂。消暑近來
無別物，桂陰當午滿繩牀。類苑 闕

登玄都閣

野色晴宜上閣看，樹陰遙映御溝寒。豪家舊宅
無人住，空見朱門鎖牡丹。

贈鳳翔柳司錄

杏園北寺題名日數到如今四十年點檢生涯
與官職一莖野竹在身邊

逢山人

星月相逢現此身自然無迹又無塵秋來若向
金天會便是青蓮葉上人

啄木鳥

丁丁向晚急還稀啄盡庭槐未肯歸終日為君
除蠹害莫嗔無事不頻飛

獻壽詞

王涯

宮殿參差別九重祥雲瑞氣捧階濃微臣欲獻
唐堯壽遙指南山對袞龍

游春詞二首

曲江綠柳變煙條寒谷冰隨煖氣銷纔見春光
生綺陌已聞清樂動雲韶
經過柳陌與桃溪尋逐春光着處迷鳥度時時
衝絮起花繁袞袞壓枝低

秋思二首

網軒涼吹動輕衣夜聽更長玉漏稀月度天河
光轉溼鵲驚秋樹葉頻飛

宮連太液見滄波。暑氣微銷秋意多。一夜輕風蘋末起。露珠翻盡滿池荷。

從軍詞

旄頭夜落捷書飛。來奏金門着賜衣。白馬將軍頻破敵。黃龍戍卒幾時歸。

塞下曲二首

辛勤幾出黃花戍。迢遞初隨細柳營。塞晚每愁殘月苦。邊愁更逐斷蓬驚。
年少辭家從冠軍。金裝寶劍去邀勲。不知馬骨傷寒水。惟見龍城起暮雲。

平戎調二首

太白秋高助俊兵。長風夜卷虜塵清。男兒解却腰間劍。喜見從王道化平。
卷旆生風喜氣新。早持龍節靜邊塵。漢家天子圖麟閣。身是當今第一人。

贈遠二首

當年只自守空帷。夢裏關山覺別離。不見鄉書傳鴈足。惟看新月吐蛾眉。
厭攀楊柳臨清閣。閑采芙蓉傍碧潭。走馬臺邊人不見。拂雲堆畔戰初酣。

閨人春思

愁見游空百尺絲，春風輓斷更傷離。
閑花落盡青苔地，盡日無人誰得知。

秋夜曲二首

丁丁漏水夜何長，漫漫輕雲露月光。
秋逼暗蟲通夕響，寒衣未寄莫飛霜。
桂魄初生秋露微，輕羅已薄未更衣。
銀箏夜久殷勤弄，心怯空房不忍歸。

宮詞二十七首

內人宜着紫衣裳，冠子梳頭雙眼長。
新睡起來

思舊夢見人，忘却道勝常。

春來新插翠雲釵，尚着雲頭踏殿鞋。
欲得君王回一顧，爭扶玉輦下金階。

五更初起覺風寒，香炷燒來夜已殘。
欲卷珠簾驚雪滿，自將紅燭上樓看。

各將金鎖鎖宮門，院院青娥待至尊。
頭白監門掌來去，問誰頻是最承恩。

夜久盤中蠟滴稀，金刀剪起盡霏霏。
傳聲總是君王喚，紅燭臺前着舞衣。

箏翻禁曲覺聲難，玉柱皆非舊處安。
記得君王

曾道好長因下輦得先彈

一叢高鬢綠雲光
宮樣衫衫淡淡黃
爲看九天公主貴
外邊爭學內家妝

宜春院裏駐僊輿
夜宴笙歌總不如
傳索金箋題寵號
鐙前御筆與親書

永巷重門漸半開
宮官着鎖隔門回
誰知曾笑他人處
今日將身自入來

春風簾裏舊青娥
無柰新人奪寵何
寒食禁花開滿樹
玉堂終日閑時多

碧繡簷前柳散垂
守門宮女欲攀時
曾經玉輦

從容處不敢臨風折一枝

鴉飛淡在禁城牆
多繞重樓複殿傍
時向春簷瓦溝上
散開雙翅占朝光

白雪猗兒拂地行
慣眠紅毯不曾驚
深宮更有何人到
只曉金階吠晚螢

百尺仙梯倚閣邊
內人爭下擲金錢
風來竟看銅烏轉
遙指朱竿在半天

春風擺蕩禁花枝
寒食鞦韆滿地時
又落淡宮石渠裏
盡隨流水入龍池

彫牆不斷接宮城
金榜皆書殿院名
萬轉千回

相隔處各調弦管對聞聲

霏霏春雨九重天漸煖龍池御柳煙
玉輦游時應不避千廊萬屋自相連

禁門煙起紫沈沈樓閣當中複道深
長入暮天凝不散掖庭宮裏動秋砧

炎炎夏日滿天時桐葉交加覆玉墀
向晚移鐙上銀簾叢叢綠鬢坐彈碁

瞳瞳日出大明宮天樂遙聞在碧空
禁樹無風正和暖玉樓金殿曉光中

迥出芙蓉閣上頭九天懸處正當秋
年年七夕

晴光裏宮女穿針盡上樓

教來鸚鵡語初成久閉金籠慣認名
總向春園看花去獨於深院喚人聲

銀瓶瀉水欲朝妝燭焰紅高粉壁光
共怪滿身珠翠冷黃花瓦上有新霜

迎風殿裏罷雲和起聽新蟬步淺莎
爲愛九天和露滴萬年枝上最聲多

御果收時屬內官傍簷低壓玉闌干
明朝摘向金華殿盡日枝邊次第看

內裏松香滿殿聞四行階下暖氤氳
春淡欲取

黃金粉繞樹宮娥着絳裙

禁樹傳聲在九霄內中殘火獨遙遙千官待取

門猶閉未到宮前下馬橋

赴東都別牡丹

令狐楚

十年不見小庭花紫翠臨開又別家上馬出門

回首望何時更得到京華

寄禮部劉郎中

一別三年在上京僊垣終日選群英除書每下

皆先看惟有劉郎無姓名

坐中聞思帝鄉有感

年年不見帝鄉春白日尋思夜夢頻上酒忽聞

吹此曲坐中惆悵更何人

春思寄夢得樂天

花滿中庭酒滿尊平明獨坐到黃昏春來詩思

偏何處飛過函關入鼎門

皇城中花園譏劉申賞春不及

五鳳樓西花一園低枝小樹盡芳繁洛陽才子

何曾愛下馬貪趨廣運門

少年行四首

少小邊州慣放狂驍騎蕃馬射黃羊如今年老

萬首絕句

無筋力獨倚營門數鴈行類苑

家本清河住五城須憑弓箭得功名等閑飛鞚

秋原上獨向寒雲試射聲類苑

弓背霞明劍照霜秋風走馬出咸陽未收天子

河湟地不擬回頭望故鄉類苑

霜滿中庭月滿樓金尊玉柱對清秋當年稱意

須行樂不到天明未肯休類苑

塞下曲二首

雪滿衣裳冰滿鬚曉隨飛將伐單于平生志氣

今何在把得家書淚似珠

邊州蕭條塞鴈飛征人南望盡露衣黃塵滿面

長須戰白髮生頭未得歸

望春詞二首

高樓曉見一花開便覺春光四面來暖日晴雲

知次第東風不用更相催類苑

雲霞五彩浮天闕梅柳千般夾御溝不上黃山

南北望豈知春色滿神州類苑

三月晦日會李員外

三月惟殘一日春玉山傾倒白鷗馴不辭便學

山人醉花下無人作主人

萬首絕句

三五

中元日贈張尊師

偶來人世值中元，不厭玄都永日閑。
寂寂焚香在僊觀，知師遙禮玉京山。

雪中聽箏

楊巨源

玉柱泠泠對寒雪，清商怨徵聲何切。
誰憐楚客向隅時，一片愁心與弦絕。

盧龍塞行送韋掌記二首

雨雪紛紛黑水外，行人共指盧龍塞。
萬里飛沙壓鼓鼙，三軍殺氣凝旌旆。

陳琳書記本翩翩，料敵能兵奪酒泉。
聖主好文

兼好武封侯莫比漢皇年

題五老峯下費君書院

解向花間栽碧松，門前不負老人峯。
已將心事隨身隱，認得溪雲第幾重。

僧院聽琴

禪思何妨在玉琴，真僧不見聽時心。
離聲怨調秋堂夕，雲向蒼梧湘水深。

和武相公春曉聞鶯

語恨飛遲天欲明，殷勤似訴有餘情。
仁風已及芳菲節，猶向花溪鳴幾聲。

唐昌觀玉藥花

晴空素豔照霞新，香灑天風不到塵。
持贈昔聞將白雪，藥珠宮上玉花春。

山中主人

十里青山有一家，翠屏深處更添霞。
若爲說得溪中事，錦石和煙四面花。

和練秀才楊柳

水邊楊柳麴塵絲，立馬煩君折一枝。
惟有春風最相惜，殷勤更向手中吹。

太原贈李屬侍御

路入桑乾塞，鴈飛棗郎年少有光暉。
春風走馬三千里，不廢看花君繡衣。

崔娘詩

清潤潘郎玉不如，中庭蕙艸雪消初。
風流才子多春思，腸斷蕭娘一紙書。

灞岸柳

楊柳含煙灞岸春，年年攀折爲行人。
好風儻借低枝便，莫遣清絲埽路塵。

類苑

城東早春

詩家清景在新春，綠柳纔黃半未勻。
若待上林

花似錦出門俱是看花人

秋日登亭贈薛侍御

潦倒從軍何取益東西走馬暫同游
梁王舊客皆能賦今日因何獨怨秋

石水詞

銀罌深鎖貯清光無限來人不得嘗
知共金丹爭氣力一枯全勝五雲絳

荅振武李逢吉判官

近來時輩都無興把酒皆言肺病同
惟有單于李評事不將華髮負春風

宮燕詞

毛衣似錦語如弦日煖爭高綺陌天
幾處野花留不得雙雙飛向御鑪前

贈崔駙馬

百尺梧桐畫閣齊簫聲落處翠雲低
平陽不惜黃金埒細雨花驄踏作泥

聽李憑彈箏篴二首

聽奏繁弦玉殿清風傳曲度禁林鳴
君王聽樂梨園煥翻到雲門第幾聲

花咽嬌鶯玉漱泉名高半在御筵前
漢王欲助

人間樂從遣新聲墜九天

臨水看花

一樹紅花映綠波。清明騎馬好經過。今朝幾許風吹落。聞道簫郎最惜多。

觀妓人入道二首

荀令歌鐘北里亭。翠蛾紅粉敞雲屏。舞衣施盡餘香在。今日花前學誦經。

碧玉芳年事冠軍。清歌空得隔花聞。春來削髮夫容寺。蟬鬢臨風隨綠雲。

酬令狐舍人

曉禁蒼蒼換直還。暫低鸞翼向人間。亦知受業公門事。數仞丘牆不見山。

和令狐郎中

題詩一代占清機。秉筆三年直紫微。自稟道情齟齬異。不同遽玉學知非。

方城驛逢孟侍御

走馬溫湯直隼飛。相逢矍鑠理征衣。軍中得力男兒事。入驛從容見落暉。

題清涼寺

憑檻霏微松樹煙。陶潛曾用道林錢。一聲寒磬

萬首絕句卷之二十五

空心曉花雨知從第幾天

石水詞

山叟和雲斲翠屏煎時分日檢僊經天人持此
扶衰病勝得瑤池水一瓶

宋洪魏公進萬首唐人絕句卷之二十六

明吳郡趙宦光凡夫棊定

靈巖黃習遠伯傳竄補

七言十六 中唐十三

楓橋夜泊

張繼

月落鳥啼霜滿天江邨漁火對愁眠姑蘇城外
寒山寺夜半鐘聲到客船

閩門卽事

耕夫占募逐樓船春艸青青萬頃田試上吳門
看郡郭清明幾處有新煙

安公房問瀟

流年一日復一日世事何時是了時試向東林
問禪伯遣將心地學琉璃

上清詞

紫陽宮女捧丹砂王母令過漢帝家春風不肯
停僊馭卻向蓬萊看杏花

送顧況泗上觀叔父

吳鄉歲貢足嘉賓後進之中見此人別業更臨
洙泗上擬將書卷對殘春

畱別

何事千年遇聖君坐令雙鬢老江雲南行更入
山溪淺岐路悠悠水自分

覽鏡見白鬚

權德輿

秋來皎潔白鬚光試脫朝簪學舞狂一曲酣歌
還自樂兒孫嬉笑輓衣裳

酬李韶州

韶下忽臨山水郡不妨從事恣攀登莫言向北
千行鴈別有圖南六月鵬

韋使君亭海榴詠

淮陽臥理有清風臘月榴花帶雪紅閉閣寂寥

常對此江湖心在數枝中補

答韋秀才

中峯雲暗雨霏霏水漲花塘未得歸
心憶瓊枝望不見幾回虛溼薜蘿衣類苑

貢院對雪寄崔閣老

寓宿春闈歲欲除嚴風密雪絕雙魚
思君獨步西垣裏日日含香艸詔書類苑

寄李衡州

片石叢花畫不如
芘身三徑豈吾廬
主人十騎東方遠
惟望衡陽鴈足書類苑

戲贈張鍊師

月帔飄飄摘杏花
相邀洞口勸流霞
半酣乍奏雲和曲
疑是龜山阿母家類苑

贈天竺靈隱二寺主

石路泉流兩寺分
尋常鐘磬隔山聞
山僧半在中峯住
共占清猿與白雲

贈老將

白艸黃雲塞上秋
曾隨驃騎出并州
鹿盧劔折虬鬚白
轉戰功多獨不侯

酬趙尚書看花見寄二首

萬首絕句入卷之二十六

春光淡處曲江西。八坐風流信馬蹄。鶴髮杏花相映好。羨君終日醉如泥。類苑

杜城韋曲徧尋春。處處繁華滿目新。日暮歸鞍不相侍。與君同是醉鄉人。類苑

戲贈表兄崔秀才

何事年年戀隱淪。成名須遣及青春。明時早獻甘泉去。若待公車卻誤人。類苑

戲贈蘇九蘇好讀元魯山文或勸入關者

白首書窻成鉅儒。不知簪組遍屠沽。勸君莫問長安路。且讀象山于藁于。類苑

人日送房侍御歸越

驛騎歸時驄馬蹄。蓮花府映若邪溪。帝城人日風光早。不惜離堂醉似泥。類苑

送十九兄歸江東

命駕相思不為名。春風歸騎出關程。離堂莫起臨岐歎。文舉終當薦禰衡。類苑

獻歲送李十兄赴黔中

一樽歲酒且畱歡。三峽黔江去路難。志士感恩無遠近。異時應戴惠文冠。類苑

送從弟廣

夏雲如火鑠晨暉款段羸車整素衣知爾業成
還出谷今朝莫愴斷行飛類苑

埔橋夜宴敘別

滿樹鐵冠瓊樹枝尊前燭下心相知明朝又與
白雲遠自古河梁多別離類苑

送袁太祝衢婺巡覆

校緡稅畝不妨閑清興自隨魚鳥閑知君此去
足佳句路出桐溪千萬山類苑

揚州與丁山人別

將軍亦道令威僊華髮清談得此賢惆悵今朝

廣陵別遼東後會復何年類苑

得撫州報喜戴員外無事二首

鶴髮州民擁使車人人自說受恩初如今天下
無冤氣乞為邦君雪謗書類苑

衆人舖啜喜君醉渭水由來不雜涇遮莫雪霜
撩亂下松枝竹葉自青青類苑

答張工部

書來遠自薄寒山繚繞洮河出古關今日難裁
秣陵報讎歌寥落柳車還類苑

冬至宿齋時郡君南內朝謁因寄

清齋獨向丘園拜，盛服想君興慶朝。明日一陽生百福，不辭相望阻寒宵。類苑

發硤石路上卻寄內

莎柵東行五穀深，千峯萬壑雨沈沈。細君幾日路經此，應見悲翁相望心。類苑

餘干別張侍御

蕪城陌上春風別，于越亭邊歲暮逢。驅車又愴南北路，反照寒江千萬峯。

別表兄韋卿

新讀兵書事護羌，腰閒寶劍映金章。少年百戰

應輕別，莫笑儒生淚數行。類苑

和王祭酒太社宿齋不得赴李尚書宅會

戲

元禮門前勞引望，句龍壇下阻歡娛。此時對局空相憶，博進何人更樂輸。類苑

八月十五日夜瑤臺寺對月

羸女乘鸞已上天，神祠空在鼎湖邊。涼風遙夜清秋半，一望金波照粉鈿。類苑

臘日龍沙會

簾外寒江千里色，林中尊酒七人期。寧知臘日

萬首絕句

卷之二十六

六

龍沙會卻勝重陽落帽時類苑

月夜過靈澈房

此身會逐白雲去未洗塵纓還自傷今夜幸逢
清淨境滿庭秋月對支郎類苑

贈廣通上人

身隨猿鳥在溪山早有詩名到世間客至上
方畱盥漱龍泓洞水晝潺潺類苑

宮人斜

一路斜分古驛前陰風切切晦秋煙鉛華新舊
共冥寞日暮愁鳴飛野田類苑

朝元閣

繚垣複道上層霄十月離宮萬國朝胡馬忽來
清蹕去空餘臺殿照山椒

石甕寺

石甕寒泉勝寶井汲人回挂青絲縷厨煙半逐
白雲飛當晝老僧來灌頂類苑

舟行夜泊

蕭蕭落葉送殘秋寂寞寒波急暝流今夜不知
何處泊斷猿晴月引孤舟

宿巖陵

萬首絕句卷之二十一 二五十四

身羈從事驅征傳江入新安泛暮濤今夜子陵灘下泊自慙相去九牛毛類苑闕

和陳閣老當直從東省過史館看花寒食假

晝漏沈沈倦瑣闈西垣東觀閱芳菲繁花滿樹

似畱客應為主人休灑歸類苑闕

棲霞寺雲居室

一徑縈紆至此窮山僧盥漱白雲中閑吟定後

更何事石上松枝常有風類苑闕

題崔山人艸堂

竹徑茅堂接洞天閑持麈尾漱春泉世人車馬

不知處時有歸雲到枕前類苑闕

題柳郎中故居

下馬荒階日欲曛潺潺石溜靜中聞鳥啼花落

人聲絕寂寞山窗掩白雲

藥名詩

七澤蘭芳千里春蕭蕭花落石磷磷有時浪白

微風起坐釣藤陰不見人類苑闕

春日戲題二首

簾前曉色驚雙燕戶外春風舞百花粉署可憐

閑對此惟令碧玉泛流霞類苑闕

萬首絕句卷之二十六 八

雨歇風輕一院香紅芳綠翠接東牆春衣試出
當軒立定被鄰家暗斷腸類苑

贈友人

知向巫山逢日暮輕鞋玉佩暫淹畱曉隨雲雨
歸何處還是襄王夢覺愁類苑

舟行見月

月入孤舟夜半晴寥寥雙鴈兩三聲洞房燭影
在何處欲寄相思夢不成類苑

石楠

石楠紅葉透簾春憶得妝成下錦裯試折一枝

含萬恨分明說向夢中人

類苑

斗子灘

斗子灘頭夜已深月華偏照此時心春江風水
連天闊歸夢悠揚何處尋類苑

雜興五首

叢鬢愁眉時勢新初筓絕代北方人一顰一笑
千金重肯似成都夜失身類苑
乍聽絲聲似竹聲又疑丹穴九雛驚金波露洗
淨於晝寂寞不堪深夜情類苑
琥珀尊開月映簾調絃理曲指纖纖含羞斂態

勸君住更奏新聲刮骨鹽類苑

乳燕雙飛鶯亂啼百花如繡照深閨新妝對景

如無比微笑時時出瓠犀類苑

巫山雲雨洛川神珠襪香腰穩稱身惆悵妝成

君不見含清起立問傍人類苑

黃蘖館

驅車振楫越山川候曉通霄冒煙雨青楓浦上

竟已銷黃蘖館前心自苦類苑

清明日次弋陽

自歎清明在遠鄉桐花覆水葛溪長家人定是

持新火點作孤燈照洞房類苑

七夕

今日雲駢渡鵲橋應非脉脉與迢迢家人競喜

開妝鏡月下穿鍼拜九霄類苑

太常寺宿齋有寄

轉枕挑燈候曉鷄想君應歎太常妻長年多病

偏相憶不遣歸時醉似泥類苑

朝回閱樂寄絕句

子城風暖百花初樓上龜茲引導車曲罷卿卿

理騶馭細君相望意何如類苑

中書宿齋有寄

銅壺滴漏斗闌干。泛灩金波照露盤。遙想洞房
眠正熟。不堪淡夜鳳池寒。類苑闕

玉臺體

嬋娟二八正嬌羞。日暮相逢南陌頭。試問佳期
不肯道。落花淡處指青樓。類苑闕

上巳日貢院贈內

三日韶光處處新。九華僊洞七香輪。老夫畱滯
何由去。珉玉相和正繞身。類苑闕
楔飲尋春興有餘。淡情婉婉見雙魚。同心齊體

如身到。臨水煩君便被除。類苑闕

舊鏡

鮑溶

團團銅鏡似潭水。心愛玉顏私自親。一經離別
少年改。難與清光相見頻。類苑闕

期盡

魚鎖生衣門不開。玉筐金月共塵埃。青山石婦
千年望。雷雨曾來知不來。類苑闕

寄天台準公

赤城橋東見月夜。佛壠寺邊行月僧。閑踏莓苔
遶琪樹。海光清淨對心燈。類苑闕

送蕭秀才

心交別我西京去，愁滿春蒐不易醒。從此無人訪貧病，馬蹤車轍艸青青。類苑

隋宮二首

柳塘煙起日西斜，竹浦風回鴈弄沙。煬帝春游古城在，壞宮芳艸滿人家。類苑

玉鉤闌畔寒泉水，金轆轤邊照影人。此水今為

九泉路，一枝花照數堆塵。類苑

塞上行

西風應時筋角堅，承露牧馬水艸冷。可憐黃河

九曲盡，羶館牢落樹無影。類苑

吳中夜別

楚客秋思著黃葉，吳姬夜歌停碧雲。聲盡燈前各流淚，水天涼冷鴈離羣。類苑

送裴婺州

婺女星邊氣不收，金華山水似瀛洲。含香太守心清淨，去與神僊日日遊。類苑

荅客

竹間淡路馬驚嘶，獨入蓬門半似迷。勞問圃人終歲事，桔槔聲裏雨春畦。類苑

贈楊鍊師二首

紫煙衣上繡春雲清隱山書小篆文明月在天
將鳳管夜淡吹向玉晨君類苑闕
道士夜誦藥珠經白鶴下繞香煙聽夜移經盡
人上鶴僊風吹入秋冥冥

寄薛膺昆季

楚山清路兩無期夢裏春風玉樹枝何況芙蓉
樓上客海門江月亦相思類苑闕

楊真人錄中像

畫中畱得清瓊質世上世難逢白鶴身應見茅盈

哀老弟爲持金籙救生人

類苑闕

懷王秀才

鄉無竹園爲三徑貧寄鄰家已二年惟有素風
身未墜世間開口不言錢類苑闕

題眞公影堂

舊房西壁畫支公昨暮今辰色不同遠客問心
何處取獨添香火望虛空類苑闕

秋夜懷紫閣寺僧

滿山雨色應難見隔澗經聲又不聞紫閣夜深
多入定石苔誰爲埽秋雲類苑闕

宿水亭

雕楹彩檻壓通陂。魚鱗碧幕銜曲玉。夜淡星月
伴芙蓉。如在廣寒宮裏宿。類苑闕

寄海陵韓長官

吏散重門印不開。玉琴招鶴舞徘徊。野人爲此
多東望。雲雨仍從海上來。類苑闕

得儲道士書

嬋娟春盡暮心收。鄰里同年半白頭。爲問蓬萊
近消息。海波平靜好東遊。類苑闕

感路侍御訪別

西臺御史重難言。落木疎籬遶病臆。一
望青雲

感驄馬。欵行黃葉出柴門。類苑闕

上巳日上浙東孟中丞

世間禊事風流處。鏡裏雲山若畫屏。今日會稽

王內史。好將賓客醉蘭亭。類苑闕

送僧遊天台二首

身非居士常多病。心愛空王稍覺閑。師問寄禪

何處取。浙南青翠沃洲山。類苑闕

金嶺雪晴僧獨歸。水文霞采納禪衣。可憐石室

燒香夜。江月對心無是非。類苑闕

望金山寺

一朶蓬萊在世間，梵宮宮闕翠雲間。近南秋水更清淺，聞道遊人未忍還。類苑闕

奉酬范傳真二首

昨日新花紅滿眼，今朝美酒綠留人。更宜明月含芳露，憑仗蕭郎夜賞春。類苑闕

白雪翦花朱蠟蒂，折花傳笑惜春人。請君白日留明月，一醉風光莫厭頻。類苑闕

襄陽懷古

襄陽太守沈碑意，身後身前幾年事。湘江千歲未為陵，水底魚龍應識字。類苑闕

湖上望月

湖上清涼月更好，天邊旅人猶未歸。幾見金波滿還破，艸蟲聲畔露沾衣。類苑闕

望姑山

幽人往往憶麻姑，浮世悠悠僊境殊。自從青鳥不堪使，更得蓬萊消息無。類苑闕

暮秋見菊花

菊花低色過重陽，似憶王孫白玉觴。今日王孫好收采，高天已下兩回霜。類苑闕

東鄰女

雙飛鷓鴣春影斜美人盤金衣上花身爲父母
幾時客一生知向何人家類苑闕

寄李都護

去年河上送行人萬里弓旌一武臣聞道玉關
烽火死犬戎知有外家親類苑闕

長安旅舍懷舊山

昨夜清涼夢本山眠雲喚鶴有慙顏青蓮道士
長堪羨身外無名至老閑類苑闕

漢宮詞

月映東窗似玉輪未央前殿絕聲塵宮槐花落
西風起鸚鵡驚寒夜喚人類苑闕

懷僊

閩峯綺閣幾千丈瑤水西流十二城曾見周靈
王太子碧桃花下自吹笙類苑闕

南塘二首

南塘旅客秋淺清夜淡綠蘋風不生蓮花受露
重如睡斜月起動鴛鴦聲類苑闕

塘東白日駐紅霧早魚翻光樂碧潯畫船蘭棹
欲破浪恐畏驚動蓮東心類苑闕

新晴愛月

陸暢

野性平生惟愛月，新晴半夜覩嬋娟。起來自擘
紗窗破，恰漏清光落枕邊。類苑闕

催妝二首

天上瓊花不避秋，今宵織女嫁牽牛。萬人惟待
乘鸞出，乞巧齊登明月樓。類苑闕

少妝銀粉飾金鈿，端正天花貴自然。聞道禁中
時節異，九秋香滿鏡臺前。類苑闕

坐障

白玉為竿丁字成，黃金繡帶短長輕。彊遮天上

花顏色，不隔雲中語笑聲。類苑闕

簾

真珠文織挂簷端，錦綠羅旌千萬端。早把玉鉤
和月卷，神僊愁怕水精寒。類苑闕

階

甃玉編金次第平，花紋隱起踏無聲。幾重便上
華堂裏，得見天人吹鳳笙。類苑闕

扇

寶扇持來入禁宮，本教花下動香風。常娥須逐
彩雲降，不可通宵在月中。類苑闕

右雲安公主
出降六首

成都贈別席夔

不值分流二江水定應猶得且同行
三千里外情人別更被子規啼數聲

類苑

游城東王駙馬亭

城外無塵水閒松秋天木落見山容
共尋蕭史江亭去一望終南紫閣峯

類苑

望毛女峯

我種東峯千葉蓮此峯毛女始求僊
今朝暗算當時事已是人間七萬年

類苑

送李山人歸山

來從千山萬山裏歸向千山萬山去
山中白雲千萬重卻望人間不知處

類苑

長安新晴

九重深淺人不知金殿玉樓倚朝日
一夜城中新雨晴御溝流得宮花出

類苑

出藍田關寄董使君

萬里煙蘿錦帳間雲迎水送度藍關
七盤九折難行處盡是龔黃界外山

類苑

題悟公禪堂

臨壇付法十三春家本長城若下人
芸閣少年

應不識南山鈔主是前身

類苑闕

宿陝府北樓奉酬崔大夫二首

樓壓黃河山滿坐風清水涼誰忍臥人定軍中

禁漏傳不妨秋月城頭過

類苑闕

一別朱門三四春再來應笑尚風塵昨宵惟有

樓前月識是謝公詩酒人

類苑闕

陝州逢竇鞏同宿寄江陵韋協律

共出丘門歲九霜相逢悽愴對離觴荆南為報

韋從事一宿同眠御史牀

類苑闕

夜到泗州酬崔使君

徐城洪盡到淮頭月裏山河見泗州聞道泗濱

清廟磬雅聲今在謝家樓

類苑闕

送崔員外使回入京

六星宮裏一星歸行到金鉤近紫微侍史別來

經歲月今宵應夢護香衣

類苑闕

成都送別費冠卿

紅椒花落桂花開萬里同游俱未回莫厭客中

頻送客思鄉獨上望鄉臺

題商山廟

商洛秦時四老翁人傳羽化此山空若無僊

萬首絕句卷之二十六 十九

何由見總在廟前花洞中類苑闕

題獨孤少府園林

四面青山是四鄰煙霞成伴艸成茵年年洞口桃花發不記曾經迷幾人類苑闕

送獨孤秀才下第歸太白山

逸翮暫時成落羽將歸太白賞靈蹤須尋最近碧霄處擬倩和雲買一峯類苑闕

下第後病中

獻玉頻年命未通窮秋成病悟真空笑看朝市趨名者不病那知在病中類苑闕

送溪上人歸江南

畱得蓮花偈付誰獨攜金策欲歸時江南無隄蕭家寺曾與白雲何處期類苑闕

題自然觀

劔閣門面第一峯道陵成道有高蹤行人若上升僊處須撥白雲三四重類苑闕

疾愈步庭花下

桃紅李白覺春歸強步閑庭力尚微從困不扶靈壽杖恐驚花裏早鶯飛類苑闕

籌筆店江亭

萬首絕句

九折巖邊下馬行江亭暫歇聽江聲白雲綠樹
不關我枉與樵人樂一生類苑

贈賀若少府

十日廣陵城裏住聽君花下撫金徽新聲指上
懷中紙莫怪潛偷數曲歸類苑

太子劉舍人邀看花

年少風流七品官朱衣白馬冶遊盤負心不報
春光主幾處偷看紅牡丹類苑

薔薇花

錦窠花朵然叢醉翠葉眉稠裏露垂莫引美人

來架下恐驚紅片落燕支類苑

解嘲

粉面僊郎選聖朝偶逢秦女學吹簫須教翡翠
聞王母不柰烏鳶噪鵲橋類苑

長門怨

劉言史

獨坐鑪邊結夜愁暫時恩去亦難留手持金筋
垂紅淚亂撥寒灰不舉頭

樂府二首

花領紅駿一向偏綠槐香陌欲朝天仍嫌衆裏
嬌行疾傍鞞淡藏白玉鞭

萬首絕句卷之二十六
珠噴團香小桂條玉鞭兼賜霍嫖姚弄影便從
天禁出碧蹄聲碎五門橋

過春秋峽

峭壁蒼蒼苔色新無風晴景自勝春不知何事
幽崖裏臘月開花似北人

竹裏梅

竹裏梅花相竝枝梅花正發竹枝垂風吹總向
竹枝上直似王家雪下時

登甘露臺

偶至無塵空翠間雨花甘露境閒閒身心未寂

中為累非想天中獨退還

類苑闕

夜泊潤州江口

秋江欲起白頭波賈客占風無渡河千船火絕
寒宵半獨聽鐘聲覺寺多

類苑闕

看山木瓜花二首

裊露凝氛紫豔新千般婉娜不勝春年年此樹
花開日出盡丹陽郭裏人

類苑闕

柔枝溼豔亞朱欄暫作庭芳便欲殘淡藏數片
將歸去紅縷金針繡取看

類苑闕

題十三弟竹園

萬首絕句卷之二十六

二十二

繞屋扶疎聳翠莖。苔滋粉澆有幽情。丹陽萬戶
春光靜。獨自君家秋雨聲。類苑闕

樂府雜詞三首

紫禁梨花飛雪毛。春風絲管翠樓高。城裏萬家
聞不見。君王試舞鄭櫻桃。

蟬翼紅冠粉黛輕。雲和新教羽衣成。月杳如雪
金階上。迸卻頗梨義甲聲。

不耐簷前紅槿枝。薄妝春寢覺仍遲。寢中無限
風流事。夫婿多情亦未知。類苑闕

歲暮題楊錄事江亭

垂絲蜀客涕濡衣。歲盡長沙未得歸。腸斷錦帆

風日好。可憐桐島出花飛。類苑闕

冬日峽中旅泊

霜月明明雪復殘。孤舟夜泊使君灘。一聲鐘出

遠山裏。暗想雪窗僧起寒。類苑闕

浣花石浦

舊業藜臺廢苑東。幾年爲梗復爲蓬。杜鵑啼斷

回家夢。半在邯鄲驛樹中。類苑闕

聞崔倚旅葬

遠客那能返故廬。蒼桐薶骨痛何如。他時親戚

空相憶席上同悲一紙書類苑闕

賦蕃子牧馬

磧淨山高見極邊孤烽引上一條煙蕃落多晴

塵擾擾天軍獵到鷓鴣泉類苑闕

牧馬泉

平沙漫漫馬悠悠弓箭閒拋郊水頭鼠毛衣裏

取羌笛吹向秋天眉睂愁類苑闕

越井臺望

獨立陽臺望廣州更添羈客異鄉愁晚潮未至

早潮落井邑暫依沙上頭類苑闕

扶病春亭

強梳稀髮著綸巾捨杖空行試病身花間自欲

裴徊立穉子牽衣不許人類苑闕

贈童尼

舊時豔質如明玉今日空心是冷灰料得昭王

惆悵極更無雲雨到陽臺類苑闕

讀故友于君集

大底從頭總是悲就中偏愴築城詞依然想得

初成日寄出秋山與我時類苑闕

病僧二首

三國鄉程算不回病中衣錫徧浮埃如今漢地
諸經本自過流沙遠背來類苑闕

空林衰病臥多時白髮從成數寸絲西行卻過
流沙日枕上寥寥心獨知類苑闕

布軍墨池

永嘉人事盡歸空逸少遺居蔓艸中至今池水
涵餘墨猶共諸泉色不同類苑闕

送僧歸山

楚俗翻花自送迎密人來往豈知情夜行獨入
寒山寺雪逕泠泠金錫聲類苑闕

題源分竹亭

繞屋扶疎千萬竿年年相誘獨行看日旡不透
煙常在先校諸家一月寒類苑闕

山寺看櫻桃花題壁

楚寺春風臘盡時含桃先坼一千枝老僧不語
傍邊坐花發人來總不知類苑闕

傷清江上人

往年偏共仰師游聞過流沙淚不休此身豈得
多時任更著塵心起外愁類苑闕

山寺看海榴花

琉璃地上紺宮前發翠凝紅幾十年夜久月明
人去盡火光霞燄遞相然類苑闕

贈成鍊師四首

花冠藥帔色嬋娟一曲清簫凌紫煙不知今日
重來意更任人間幾百年類苑闕

黃昏騎得下天龍巡遍茅山數十峯采芝卻到
蓬萊上花裏猶殘碧玉鐘類苑闕

等閒何處得靈方丹臉雲鬟日月長大羅過卻
三千歲更向人間魅阮郎類苑闕

曾隨阿母漢宮齋鳳駕龍輶列御階當時白燕
無尋處今日雲鬟見玉釵類苑闕

上巳日陪襄陽李尚書宴光風亭

碧池萍嫩柳垂波綺席絲鑪舞翠娥為報會稽
亭上客永和應不勝元和類苑闕

桂江逢王使君旅襯歸

故人丹旆出南威少婦隨喪哭漸歸遙想北原
新壠上日寒光淺水松稀類苑闕

病中客散後言懷

華髮離披臥滿頭暗蟲衰艸入鄉愁枕前人去
空庭暮又見芭蕉白露秋類苑闕

處州月夜穆中丞席和主人

羌竹繁弦銀燭紅月先初出柳城東忽見隱侯
裁一詠還須書向郡樓中

類苑闕

尋花

遊春未足春將度訪紫尋紅少在家借問流鶯
與飛蝶不知何處有幽花

類苑闕

贈陳長史妓

本內宮人

寶鈿雲和玉禁僊淡含媚壓麗裏朱弦春風不怕
君王恨引出幽花落外邊

類苑闕

題王況故居

入巷蕭條起悲緒兒女猶居舊貧處塵滿空牀
屋見天獨作驢鳴一聲去

類苑闕

偶題

遲日新妝遊冶孃盈盈彩艇白蓮塘掬水遠溼
岸邊郎紅銷縷中玉釧光

類苑闕

勸柳論

孀妻棲戶仍無嗣欲訪孤墳誰引至
衰佗無處展哀情惟有衣襟知下淚

類苑闕

夜入簡子古城

遠火熒熒聚寒鬼綠燄欲銷還復起
夜淡風雪

古城空行客衣襟汗如水類苑闕

桂江中題香頂臺

峒峒香積凌空翠天上名花落幽地老僧相對
竟無言山鳥卻呼諸佛字類苑闕

僧簷前獨竹詠

亂石田中寄孤木亭亭不住凌虛引欲以袈裟
拂著來一邊碧玉無輕粉類苑闕

送人隨姊夫任雲安令

閒逐維私向武城北風青雀片時行孤帆瞥過
荊州岸認得瞿塘急浪聲類苑闕

山中喜崔補闕見尋

鹿袖青藜鼠耳巾潛夫豈解拜朝臣白屋藜牀
還共入山妻老大不羞人類苑闕

偶題二首

金榜榮名俱失盡病身為庶更投醮春娥慢笑
無愁色別向人家舞柘枝類苑闕

得罪除名謫海頭驚心無暇與身愁中使不知
何處住家書莫寄向春州類苑闕

嘉興社日

消渴天涯寄病身臨邛知我是何人今年社日

分餘肉不值陳平又不均類苑

席上贈李尹

偃僂山夫髮似絲松間石上坐多時瓢飲不曾
看酒肆世人空笑亦何為類苑

弼公院問病

一頭細髮兩分絲臥見芭蕉白露滋欲令居士
身無病直待衆生苦盡時類苑

惜花

年少共憐含露色老人偏惜委塵紅如何遂得
心中事每要花時不厭風類苑

代胡僧留別

此地緣疎語未通歸時老病去無窮定知不徹
南天竺死在條支陰磧中類苑

奉酬劉言史宴光風亭

李翱

閨餘春早景沈沈禊飲風亭恣賞心紅袖青娥
留永夕漢陰寧肯羨山陰類苑

贈藥山高僧惟儼

練得身形似鶴形千株松下兩函經我來問道
無餘說雲在青霄水在餅補

再贈

選得幽居愜野情終年無送亦無迎有時直上
孤峰頂月下披雲嘯一聲補

使院小池

賈島

小池誰見鑿時初走水南來十里餘樓上日斜
吹暮角院中人出鎖游魚

夜坐

蟋蟀漸多秋不淺蟾蜍已沒夜應深三更兩鬢
幾枝雪一念雙峯四祖心

送別

門外便伸千里別無車不得到河梁高樓直上
百餘尺今日為君南望長

聞蟬感懷

新蟬忽發最高枝不覺立聽無隄時正遇友人
來告別一聲分作兩般悲

夏夜宿上谷開元寺

詩成一夜月中題便臥松風到曉鷄帶月時聞
山鳥語郡城知近武陵溪

送于總持歸京

出家初隸何方寺上國西明御水東卻見舊房
階下樹別來二十一春風

池上鶴

月中時叫葉紛紛不異洞庭霜夜聞翎羽從今
如罷剪猶能飛起向孤雲

友人婚楊氏催妝

不知今夕是何夕催促陽臺近鏡臺誰道芙蓉
水中種青銅鏡裏一枝開

和韓吏部泛南溪

溪裏晚從池岸出石泉秋急夜深聞木蘭船共
山人上月映渡頭零落雲

酬姚合

黍穗豆苗侵古道晴原午後早秋時故人相憶
僧來說楊柳無風蟬滿枝

送僧三首

遍參尊宿遊方久名岳奇峯問此公五月半閒
看瀑布青城山裏白雲中

池上時時松雪落焚香煙起見孤燈靜夜憶誰
來對坐曲江南岸寺中僧

歸蜀擬從巫峽過何時得人舊房禪寺中來後
誰身化起塔栽松向野田

渡桑乾

客舍拜州已十霜。歸心日夜憶咸陽。無端更渡桑乾水。卻望拜州是故鄉。

夜期客不至

逸人期宿石牀中。遣我開扉對晚空。不知何處嘯秋月。閑著松門一夜風。

夜集烏行中所居

環爐促席復持杯。松院雙扉向月開。坐上同聲半先達。名山獨入此心來。

贈李文通

營當萬勝圖。頭下誓立千年不朽功。天子手擊

新鉞斧。諫官請贈李文通。

三月晦日贈劉評事

三月正當三十日。風炎別我苦吟身。共君今夜不須睡。未到曉鐘猶是春。

送道者

新歲抱琴何處去。洛陽三十六峯西。生來未識山人面。不得一聽烏夜啼。

贈丘先生

常言喫藥全勝飯。華岳松邊采茯苓。不遣鬢鬚一莖白。擬為白日上昇人。

宿村家亭子

牀頭枕是溪中石井底泉通竹下池宿客未眠
過半夜獨聞山雨到來時

題興化園亭

破卻千家作一池不栽桃李種薔薇薔薇花落
秋風起荆棘滿庭君始知

竹

籬外清陰接藥欄曉風交夏碧琅玕子猷沒後
知音少粉節霜筠漫歲寒

田中丞高亭

高亭林表迥嵯峨獨坐秋宵不寢多玉兔玉人
歌裏出白雲雖白莫相和

贈人斑竹拄杖

揀得林中最細枝結根石上長身遲莫嫌滴瀝
紅斑少恰是湘妃淚盡時

尋石甕寺上方

野寺入時春雪後崎嶇得到此房前老僧不出
迎朝客已住上方三十年

題青龍寺

碣石山人一軸詩終南山北數人知擬看青龍

寺裏月待無一點夜雲時

阮籍嘯臺

如聞長嘯春風裏荆棘叢邊訪舊蹤地接蘇門
山近遠荒臺突兀抵高峯

楊祕書新居

城角新居鄰靜寺時從新閣上經樓南山泉入
宮中去先向詩人門外流

哭孟東野

蘭無香氣鶴無聲哭盡秋天月不明自從東野
先生死側近雲山得散行類苑

過京索先生墓

東索先生三尺墳秋風漠漠吐寒雲從來有恨
君多哭今日何人更哭君

客思

促織聲尖尖似針更深刺著旅人心獨言獨語
月明裏驚覺眠童與宿禽

觀鹿

條峯五老勢相連此鹿來從若箇邊別有野麋
人不見一生長飲白雲泉類苑

聽樂山人彈易水

萬首絕句

三百

三六

朱絲絃底燕泉急。燕將雲孫白日彈。嬴氏歸山
陵已掘。聲聲猶帶髮衝冠。

經蘇秦墓

沙蕤古篆折碑文。六國興亡事繫君。今日淒涼
無處說。亂山秋盡有寒雲。

題戴勝

星點花冠道士衣。紫陽宮女化身飛。能傳上界
春消息。若到蓬山莫放歸。

題隱者居

雖有柴門長不關。片雲孤木伴身閑。猶嫌住久

人知處。見擬移家更上山。

題魚尊師院

老子堂前花萬樹。先生曾見幾回春。夜煎白石
平明喫。不擬教人哭此身。

訪鑒玄師姪

維摩青石講初休。緣訪親宗到普州。我有軍持
憑弟子。岳陽溪裏汲寒流。

酬朱侍御望月見寄

他寢此時吾不寢。近秋三五日逢晴。相思惟有
霜臺月。望盡孤光見卻生。

類苑闕

題韋雲安艸堂

新起此堂開北窻當窻山隔一重江
白茆苦屋重重密愛此秋天夜雨淙

方鏡

背如刀截機頭錦面似升量澗底泉
銅爵臺南秋日得照來照去已三年


夏夜登南樓

水岸閑樓帶月躋夏林初見岳陽溪
一點新螢報秋信不知何樹是菩提

李斯井

井存上蔡南門外置此井時來相秦
斷綆數尋垂古甃取將寒水是何人

唐詩集卷之二十六
宋洪魏公進萬首唐人絕句卷之二十六



丁巳十月二十四日以宋為句道春

